

唐柳先生外集

古逸叢書三編之三十一

唐柳先生外集

中華書局影印

古逸叢書三編之三十一

唐柳先生外集

(線裝一函全一冊)

*

中華書局影印

(北京王府井大街 36 號)

新華書店北京發行所發行

浙江蕭山古籍印刷廠印刷

*

1987 年 9 月第 1 版 1987 年 9 月蕭山第 1 次印刷

印數 1--310 冊

統一書號: 17018·204 定價: 22 元

ISBN 7-101-00169-6/Z·20

唐宋志載柳集並三十卷晁氏讀書志亦三十卷外集一卷趙希弁增志作四十五卷外集二卷陳氏書錄解題所載凡三種並四十五卷外集二卷天祿琳琅載宋槧二一為魏仲

舉集注本正集二十一卷外集二卷一為韓醕訓詁本正集四

十五卷外集元槧三卷集四十三卷外集二卷以上諸本分

卷各不同要以三十卷者為最古陳氏解題謂劉禹錫作

序言編次其文為三十二通退之志若祭文附第一通之

末今世行皆四五卷又不附誌文非當時本也是宋時所采

柳集已非劉氏之舊四庫題焉謂或後人追改劉序以合

見行之卷按劉集載柳文序實作三十二通則四十五確

為後人追改無疑各本柳集所載劉序皆作四十五通今獲此宋槧外集一卷

二卷

益童宗說注釋本

天祿琳琅書目後編載宋槧四元槧亦實注本卷數簡

詩文凡四十三首各本已闕入正集者三十二入外集才八首又
溢出送元暉師詩上宰相啓上裴桂州狀三首則諸本正
外集皆不載卷末有乾道改元吳興葉程刊書跋蓋程
官永州刻之郡庠者也所見柳集數本外集皆二卷唯晁
志作一卷昭德与程實同時或所弃卽此永州本也是
無爲曹棟亭氏舊藏檢千山曹氏藏書目此種注云三
十二乃合此外集暨附錄計之益足證永州本正集爲三
卷無疑以是外集例之其正集必有大異于諸本者惜哉
同治十二年太歲癸酉秋七月旣望獨山莫繩孫識



一九八七年據北京圖書

館藏宋朝刻本原大影印

藏園先生七十歲小像

藏園先生七十歲小像 丁巳年十二月 吳昌碩



外集

眎民詩

舜禹之事

謗譽

咸宜

吾子

河間傳

劉叟傳

送元嵩師詩

為崔中丞賀平李懷光表

為京兆府賀雨表

謝端午賜綾帛衣服表

為劉同州謝上表



賀踐祚表

賀赦表

為楊湖南謝設表

為武中丞謝賜櫻桃表

為裴令公舉裴冕表

謝賜時服表

為武中丞謝賜新茶表

為韋侍郎除竇君羣表

賀祈雨有應表

禮部賀白鵲表

禮部賀甘露表

京兆府賀嘉瓜白兔表

禮部賀嘉瓜表

賀白龍青蓮等表

賀合歡蓮花表

賀雨表三首

禮部賀嘉禾芝草表

御史臺賀嘉禾表

為樊左丞讓官表

為裴中丞謝討黃賊表

又舉人自代伐黃賊表

為柳公綽謝上表

代李愬襄州謝上表

代節使謝遷鎮表
代裴行立謝移鎮表

代嶺南節度舉裴中丞自代表

奏薦從事表
賀皇太子牋

代廣南節度使謝出鎮表

上宰相啓

上裴桂州狀

眎民詩



帝眎民情匪幽匪明慘或在腹已如色聲亦無
動威亦無止力弗動弗止惟民之極帝懷民眎
乃降明德乃生明翼明翼至何迺房迺杜惟房
與杜實爲民路迺定天子迺開萬國萬國旣分
迺釋蠢民迺學與仕迺播與食迺器與用迺化
與通有作有遷無遷無作士實蕩蕩農實董
董工實蒙蒙賈實融融左右惟一出入惟同攝
儀以引以遵以肆其風旣流品物載休品物載

休惟天子守乃二公之久惟天子明乃二公之
成惟百辟正乃二公之令惟百辟穀乃二公之
祿二公行矣弗敢憂縱是獲憂共二公居矣弗
敢泰止是獲泰已既柔一德四夷是則四夷是
則永懷不忒

。舜禹之事

魏公子不由其父得漢禪還自南郊謂其人曰
舜禹之事吾知之矣由丕以來皆笑之柳先生
曰丕之言若是可矣嚮者不若曰舜禹之道吾

知之矣丕罪也其事則信吾見笑者之不知言
未見丕之可笑者也凡易姓受位公與私仁與
強其道不同而前者忘後者繫其事同使以堯
之聖一日得舜而與之天下能乎吾見小爭於
朝大爭於野其爲亂堯無以已之何也堯未忘
於人舜未繫於人也堯之得舜也以聖舜之得
堯也以聖兩聖獨得於天下之上奈愚人何其
立於朝者放齊猶曰朱啓明而況在野者乎堯
知其道不可退而自忘舜知堯之忘已而繫舜

於人也進而自繫舜舉十六族去四凶族使天下咸得其仁命二十二人興五教立禮刑使天下咸得其理合時月正曆數齊律度量權衡使天下咸得其用積十餘年人曰明我者舜也齊我者舜也資我者舜也天下之在位者皆舜之人也而堯隕然聾其聰昏其明愚其聖人曰往之所謂堯者果烏在哉或曰耄矣曰匿矣又十餘年其思而問者加少矣至於堯死天下曰久矣舜之君我也夫然後能揖讓受終於文祖舜

之與禹也亦然禹旁行天下功繫於人者多而
自忘也晚益之自繫猶是也而啓賢聞於人故
不能去其始繫於人也厚則其忘之也遲不然
反是漢之失德久矣其不繫而忘也甚矣官董
素陶之賊生人盈矣丕之父攘禍以立強積三
十餘年天下之主曹氏而已無漢之思也不嗣
而禪天下得之以爲晚何以異夫舜禹之事耶
然則漢非能自忘也其事自忘也曹氏非能自
繫也其事自繫也公與私仁與強其道不同其

忘而繫者無以異也堯舜之忘不使如漢不能
授舜禹舜禹之繫不使如曹氏不能受之堯舜
然而世徒探其言而笑之故曰笑其言者非也
問者曰堯崩天下若喪考妣四海遏密八音三
載子之言忘若甚然是可不可歟曰是舜歸德
於堯史尊堯之德之辭者也堯之老更一世矣
得乎堯者益已死矣其幼而存者堯不使之思
也不若是不能與人天下

此文與下二首晏元獻
云恐是博士韋縠作

。謗譽